


日本外史補

大内氏  
今川氏

二三

13  
614  
2





413  
614  
24

日本外史補卷之二

大正十五年二月  
花房仙次郎氏寄贈

大內氏

大內氏其先出於百濟王餘璋。推古天皇時。

餘璋子琳聖投化居周防多多良濱其子正恒徙

大內。中帝賜姓多多良子孫以大內為氏。大內系圖

世所傳大內系圖有數本多異同而求武尚久所

藏系圖作者係文明明應年間最近於古其系至

大內政弘而止今原其書旁參取諸本明確者按

大日本史朝廷賜琳聖姓多多良藩翰譜以正恒

為琳聖七世孫正恒之裔曰滿盛事源賴朝以功

任周防權介滿盛子弘成其子弘貞孫弘家皆事



北條氏弘家子重弘為六波羅評定衆。重弘子曰弘幸。弘幸子曰弘世。系圖弘世叙從五位上。任周防權介。元弘建武之亂。略定周防長門。以應王師。正平十九年。叛降足利義詮。因授二州守護。後加授石見守護。大日本史文中三年。弘世與長子義弘從足利義滿擊菊池氏為先鋒。天授六年十月。弘世卒。義弘襲父職。加授豐前筑前守護。拜從四位上。左京權大夫。系明德之役。以功益封和泉紀伊。事詳于外史。元中九年。義弘受足利義滿旨。奏請兩朝講和。駕還

伊豫守滿弘稱  
三郎  
三郎弘茂  
六郎盛見

京師授神器於北朝。皇統歸一。其功居多。應永四年。足利義滿命義弘擊少貳某。菊池某。義弘遣弟滿弘擊之。以兵寡不能戰。義弘自將擊平之。應永三年弘弟名盛見。六年。義弘舉兵叛。戰死于和泉。弟弘茂。盛見遁歸周防。乞降。義滿削和泉紀伊。使義弘子持世承後。既而其臣驚頭某謀篡立。盛見起兵誅驚頭。以持世猶少攝國事。盛見有子。國人屬望。盛見慮其子與持世生隙。爭國。終殺之。持世拜從四位上。刑部少輔。為周防長門豐前筑前守護。系圖按一本系



圖足利義滿使弘茂承義弘後。應永八年十二月。弘茂戰死于長門豐浦郡下山。盛見承後。今閱末武氏藏本系圖。義弘子持世嗣父後。而弘茂盛見嗣立之事不載。則知攝國事而非嗣立也。按應永記。義弘之敗。死于和泉。次子持盛降。削其封之半。外史據之。與本書不合。藩翰譜曰。義弘弟盛見立。生二子。長曰持世。為嗣。次曰持盛。持世死。子教弘幼。持盛攝國事。非也。持世盛皆義弘子。而教弘乃持盛子也。益藩翰譜據一本系圖。持世承盛見後說。致誤也。吉田物語曰。盛見弟弘茂承義弘後。四年而卒。持盛代立。三嘉吉元年六月。赤松滿祐年而卒。持世代立。亦誤。嘉吉元年六月。赤松滿祐嚮將軍足利義教於其第弑之。時持世從義教。被創踰垣而逃。七月。病亟。遺言曰。我死之後。勿修墓事。宜速發兵討賊。遂卒。建內記。按一本系圖。義教既見弑。持世與管領細川

伊豫守通春  
備中守元明

持之議。立義教子義勝。為將軍。徵兵諸道。討滿祐。九月。滿祐伏誅。少貳嘉賴黨滿祐。不應徵。十一月。持世奉命擊破之。嘉賴奔對馬。乃賞賜嘉賴邑於持世。嘉吉二年七月。持世病創卒。年四十八。恐誤。無嗣。弟持盛子教弘承後。拜從四位下。左京大夫。寬正六年九月。卒。子政弘嗣。拜從四位上。左京大夫。圖。應仁元年。山名持豐與管領細川勝元。構兵於京師。政弘舉周防長門豐前筑前兵。應山名氏。與伊豫河野通春。合兵二萬。入攝津。擊其守護代。秋庭元明。及赤松氏兵於井鳥野。破之。進入京師。攻三寶院。縱火。元明與赤松浦上諸族。軍岩倉。八



右衛門佐義就

月政弘攻岩倉不利。當是時，細川氏兵軍相國寺。山名氏兵軍武衛氏，東西相持。九月，政弘受持豐旨，與畠山義就等攻拔三寶院及淨花院。十月，政相國寺，寺僧陰通款，舉火為應。政弘望烟，與義就等疾攻，大破之。伏尸填街衢，我軍既取相國寺，收所獲首級，載以車八輛，致之持豐。重編應仁記 文明元年，政弘臣仁保弘直叛，擁政弘叔父教幸為王，送款於細川氏。少貳嘉賴子教賴亦起兵對馬，侵筑前，圖復舊地。政弘聞變，馳歸國討教幸。弘直明年

教幸號道順教弘弟

賊平治于山口，威振西土。系圖應仁外記按重編應仁記文明四年東西

軍猶張而西軍勢稍衰政弘久屯京師乏糧會紗內有叛者乃送款於東軍引兵歸與本書不合恐

非。明應四年九月，政弘卒，年五十。子義興嗣，任左京大夫。系圖 六年前，將軍足利義植來奔，先是義植為管領細川政元所幽，遁走越前，依朝倉氏。是歲冬，義植率朝倉氏兵入近江，與將軍足利義澄兵戰，不利，遂來奔。欲賴我以圖興復，義興素有大志，欲定京畿，乃迎義植，厚奉之。足利官位記 永正四年，細川政元為其下所殺，其義子澄之澄元高國



伊豫守經久

爭立。三好長輝擁澄元起兵殺澄之。立澄元為管領。既而奈良元吉伊丹元扶等嫉長輝專恣謀廢澄元。迎高國於阿波立為主。來請援。義興謂時不可失也。乃馳檄徵中國西海兵。重編應仁記。高國為政元義子。據三好系。五年四月。義興奉義植而東。出雲尼子經久。豐後大友親治。及原田宗像。秋月諸族屬焉。兵總三萬。沿道諸城皆迎降。高國來會于攝津。六月。義興統諸軍入京師。足利義澄及澄元長輝走近江。近畿盡定。朝廷奪義澄官爵。再任義植征夷大將。

軍。義興以功為管領。斯波細川畠山三家之外。為管領。義興為始。八年七月。細川澄元族細川政賢率四國兵援澄元。至和泉。與三好長輝。畠山義英等合兵。將攻京師。赤松氏亦起兵應澄元。細川高國遣兵拒之于攝津。不利。是時諸國援兵多罷歸。兵寡難守。義興欲誘敵京師。伺隙襲之。八月。與高國等奉足利義植奔丹波。澄元入京師。城舟岡山。使政賢長輝義英等守之。自軍小川。二十三日。義興與六角定賴。大友親治。伊勢貞宗等合兵三萬。



發丹波。明日攻舟岡山。殺傷過當。義興督戰。自揮  
 薙刀殪敵三騎。定賴橫衝政賢陣。大破之。政賢長  
 輝走小川。我軍追擊。獲政賢。斬首二千餘級。澄元  
 長輝脫身走。赤松氏方攻伊丹。聞之解去。義植還  
 京師。重編應仁記。舟岡山之役。本書舉兩說。一說  
 係永正五年。非也。一說係永正八年。與諸書  
 合。可從。按足利季世記。義興為管領。係  
 永正八年。舟岡山之役。後與本書不合。九年三月。  
 義興叙從三位。以舟岡山之功也。系圖。京都十五  
 將軍譜。年。尼子經久謀攻周防。義興聞變。歸山口。經久本  
 京極氏。其祖父持久。事京極持清。持清令持久如

出雲治國務。至經久。滅鹽治某。取富田城據之。遂  
 攻略山陰諸國。尼子系圖。及義興輔足利義植。專京畿  
 政。經久從在京師。耻受其制。常怏怏。潛去歸出雲。  
 攻國內不從者。盡定之。石見安藝備後。多通經久  
 者。以故義興就國備之。安西軍策。義興在京師十一年。  
 為政公平。近畿稍治。及其去。細川高國獨用事。多  
 偏私。三好氏乘間起兵。京師復亂。歷代記。大永二年  
 春。義興發兵入安藝。下諸城邑。城鏡山。今藏田。備  
 中藏田日向守之。當是時。安藝平賀。大野阿曾。沼



竹原諸族皆應我。獨吉川經基、武田光和、毛利元就、附尼子氏。三年六月，尼子經久入安藝，與毛利元就攻鏡山，藏田備中死之。藏田日向出降，被殺。自是大內尼子爭安藝，石見連歲攻擊不已。四年五月，義興將周防長門豐前筑前兵二萬五千入安藝，分兵使嗣子義隆攻武田光和於銀山，陶興房、杉重矩、問田隆盛等屬焉。而親攻草津及二保嶋，遂攻櫻尾，不下，退軍廿日市。安藝人熊谷某山中某等起兵，援銀山屯坂上。六月，重矩、隆盛議襲

尾張守興房號道麒  
伯耆守重矩  
掃部助隆盛

能登守秀綱  
遠江守信通

坂上興房以為不可。隆盛等不聽，果遇伏而走。城兵出戰，興房擊卻之。吉田物語本書陶興房作陶道麒即其號也諸本或作持七月，尼子氏將龜井秀綱、牛尾信通以五千人援銀山，與毛利元就等來戰。義隆督諸將邀擊破之。八月，元就乘風雨來襲，我兵多死傷。義隆引兵攻狼森城，拔之。至廿日市，與義興合。義興急攻櫻尾，不下。會尼子經久自將來陣，佐藤、義興留兵備櫻尾，而自拒經久。既而聞肥前龍造寺氏起兵侵筑前，乃旋軍。五年三月，義興將兵入筑後。



與龍造寺氏小田氏戰。六戰皆克之。二氏請和許之。筑後星野氏、肥後菊池氏皆送款。義興還屯博多。修政務。六年二月歸山口。三月略石見。攻尼子氏屬邑。連下六城。七月攻三角。兼隆踰月降。還次濱田。尼子經久自將救兼隆。聞其降怒來戰。義興拒之。互有勝敗。經久引去。石見盡屬我。義興欲直攻出雲。得疾還軍。享祿元年十二月薨。吉田物語年五十二。義隆嗣。系圖三年秋。義隆令杉興連接筑紫尚門。朝日賴貫攻少貳冬尚。龍造寺家兼援冬尚。邀

拒其部將鍋嶋清久橫衝我軍。我軍不利。尚門賴貫戰沒。天文二年。義隆遣陶興房再略肥前。攻少貳冬尚於勢福寺。分兵攻龍造寺家兼於佐嘉。不克。義隆率大兵赴援。攻冬尚。三年四月。義隆與冬尚家兼議和。留興房而還。九州記。本書。龍造寺家兼作龍造寺胤久。今從龍造寺記。藩翰譜。諸書。於是秋月原田菊池諸族皆送款於我。朝廷賞義隆功。叙從四位下。室町日記初。義興臨終。召義隆及陶興房等。遺言曰。我輔足利氏。定京畿。領防長。豐筑。而東定安藝。石見。西服龍造寺。大友諸族。獨



民部大輔晴久  
後修理大夫

憾尼子氏未附。毛利元就。有雄才。聞元就與尼子  
氏生隙。且及此時。厚禮求好。以為我援。是歲。尼子  
經久。授國其孫晴久。晴久為人悍厲。不禮諸將。元  
就等憤怨。至是。義隆奉遺命。求好元就。元就乃應  
我。而與尼子氏絕。大內攻國內屬尼子氏者。取五  
城。又出兵備後。備後諸城多送款於我。吉田五年  
五月。義隆入朝。為太宰大貳。系兼周防長門豐前  
筑前守護。管山陽鎮西之事。尼子晴久聞之。曰。義  
隆雖奉敕。我終不能為之誦。乃將兵次青野鼻。義

隆大怒。自將伐之。會晴久嬰疾引去。義隆乃旋軍。室町

日六年春。義隆叙從四位上。系八年春。陶興房死。

初興房有子曰義清。為人輕躁好慢人。興房疑其

有異志。毒殺之。養其姊夫。問田紀伊子為嗣。是為

隆房。陶系興房歷仕義興。義隆數有功。自興房死。

大內氏政亂。九年九月。尼子晴久入安藝。攻毛利

元。就於吉田城。義隆聞急。使隆房及內藤興盛將

兵赴援。十二月。入安藝。以大雪休戰。十年正月。擊

晴久。大破之。斬其族尼子興久。晴久引去。尼子氏



越中守敬興  
三郎左衛門為

虎  
彈正左衛門久

屬城皆下。於是石見人本莊敬興出雲人三澤為  
虎三刀屋久扶等皆倍尼子氏來通款請導我兵。

秋元就來山口謝其援也。吉田物語按安西軍策  
尼子晴久入安藝係入

月又按大內記九月十一日隆房入安藝明日與  
晴久戰破之獲尼子下野守久幸明年正月晴久

引兵去並與  
本書不合十二月義隆進從三位。系圖寬十一

年義隆謀攻尼子氏七月將兵二萬五千至安藝。

毛利元就宍戶隆家吉川興經等迎謁八月以元

就為先鋒入出雲拔赤穴城十二年正月義隆軍

畦地山召諸將議戰田子兵庫曰請徙牙營於經

式部大輔誠久

羅木山以薄富田元就曰富田以險聞兵眾食足

未易下也不如距城三四里多築壘寨見隙而進

可以制勝義隆恃眾欲急攻富田進軍經羅木山

三月今平賀隆宗益田藤兼攻洞光寺尼子氏將

尼子誠久來救我兵不利吉川興經赴援橫擊走

之義隆遣二將守富田河北會霖雨河漲城兵度

我不能援攻之元就渡河赴救擊卻之既而敵扼

我歸路我軍乏食諸將危懼四月晦興經及本莊

敬興三澤為虎等叛入城我軍將潰五月七日黎



明義隆收兵走湯谷。遂從白瀉歸。嗣子義房自湯

谷上船。眾爭船。義房覆沒。義房。義隆姊夫。土佐國

司一條房家子也。義隆養以為嗣。於是備後安藝

石見諸城。復附尼子氏。吉田物語。義隆嗣子名據。系圖。系圖曰。義房初名恒。

持。後更晴持。又更隆廣。又更今名。按中國治亂記。天文十一年春。義隆入出雲。軍經良木山。五月七日。與尼子氏戰。不利。義隆自八杉浦乘船逃。可疑。又以義房為一條房基次子誤。十三年

春。義隆任侍從。十四年。叙正三位。十六年春。任兵

部卿。系圖。寬永系譜。十七年八月。毛利元就率子隆元元

春。隆景來山口。熊谷香川飯田諸族亦從。元就來

義隆厚饗之。養內藤興盛女妻隆元。令陶隆房

與元春約為兄弟。吉田物語。是歲。義隆進從二位。系圖。寬永

譜。至是。義隆寢驕侈。耽歌詠。不恤政事。時皇室衰

微。公卿避亂來山口。義隆欲遷帝都于其國。中國治亂

記。又崇佛教。大興土木。營宇佐箱崎嚴嶋諸祠。義隆

記。隆房久掌兵。義隆嬖臣相良武任狡佞有才。恃

寵擅威福。眾畏之不敢忤。武任欲以女妻隆房子

長房。請之義隆。義隆使人諭其意。隆房恚曰。

為我兒婦者。杉內藤若右田氏而可。彼則非偶也。

遠江守武任



辭之。武任聞之怒，乃以女妻右田左馬助。左馬助，陶氏宗家也。武任因謀構陷隆房，以左馬助代之。乃說義隆曰：周防德地三千貫，本為南都東大寺興福寺屬邑，而隆房奪之，是為政不公也。請返其邑如故。義隆從之。隆房益憤怨。吉田物語按義隆記隆房無子武任欲使己子為之嗣。隆房不肯。內藤興盛、杉重矩嘗受足利氏眷遇，許用傘囊鞍帕。武任說義隆沮格之。二人以故怨義隆，與武任生隙。隆房因與二人相結，謀除武任。十九年九月，有事于冰上祠。隆房

欲乘是時除武任，陰聚兵。武任聞之大懼，走訴義隆曰：聞隆房與興盛、重矩謀殺臣，其實圖君也。請君備之。義隆驚，急徵兵。城下民荷擔而走。義隆遣使責讓隆房曰：聞汝與武任修怨，擅聚兵卒，豈欲反邪？隆房佯驚謝曰：臣以冰上神會集家僕命祭事也，豈有他乎？興盛、重矩亦陳謝。義隆不復問。武任不自安，夜遁入龍福寺，削髮為僧，遂奔筑前。據花尾城。吉田物語義隆記武任奔石見依吉見正賴遂奔筑前隆房密與興盛、重矩謀曰：事既至此，主公豈恐非？



終釋然於我曹。不如還我邑。先禍未至而圖之。乃詐請義隆曰。奸臣武任既逃竄。臣亦自分誅戮。不圖蒙寬假。不知所謝恩。臣願乞骸骨。屏居私邑。法衣參禪。無復干豫人事。義隆許之。冷泉隆豐諫曰。隆房還邑。欲為反計耳。不如及其入。辭刺殺之。不聽。十一月。隆房還其邑。若山隆豐切齒曰。事去矣。安西軍策野上正忠憂義隆失政。數諫之。不聽。至是。削髮遁於高野。野上系圖二十年八月。足利氏使者及大友氏使者。並來山口。二十六日。義隆合饗兩使。

近江守隆像  
右衛門大夫隆景

命散樂。適有告變者曰。隆房叛。將來犯。於是上下大擾。義隆急修守備。召興盛重矩。不來。冷泉隆豐請先誅二人。義隆曰。彼非黨賊者。義隆母與興盛妻重矩母。並為姊妹。義隆特寵任興盛。益食邑。以故不之疑也。隆豐憂懣。與黑川隆像。岡部隆景。交說曰。事急矣。請背城力戰。不克。君自為圖。臣等以死從之。義隆猶豫未決。眾咸欲出城避賊。佐波新助進曰。去將何之。唯當死社稷而已。勿為賊所辱。嬖臣安富源內。清四郎。素有異志。勸義隆保法泉。



三位中將信房

新介義尊

寺。義隆從之。遽徙法泉寺。兵從者三千。即夜逃亡。僅餘千人。旦日。隆房與興盛重矩。以五千人來圍法泉寺。義隆窮迫。請和不聽。欲自殺。四郎勸義隆赴筑紫。義隆乘夜而遁。前關白藤原尹房及諸公卿避亂來寓者。盡遇害。尹房子信房為義隆義子。從義隆。四郎路逃走。為賊追殺。源內降賊。義隆自瀨戶崎航海赴筑紫。沮風還入大寧寺。賊兵來圍。九月朔。義隆囑其子義尊及信房於寺僧異雪。作絕命詞。自殺。年四十五。隆豐燒寺。匿其屍。拒戰矢。

藤內隆良

盡。迺入經堂。割腹死。黑川隆像。岡部隆景。天野隆良。右田隆次等死之。異雪奉義尊信房而走。為賊所追。義尊時年十二。顧近臣小幡某曰。吾請與大人共死。不得命。偷生至此。有遺憾。汝可盡我命。小幡即刃義尊而自殺。信房亦死。參取義隆記。吉田物語。二書云。義隆之出。法泉寺也。今其夫人遁。夫人走。入妙喜寺。削髮為尼。遂匿廣嚴寺。義隆子及藤原尹房子。二書並不記名。今據系圖補之。一本系圖。義尊作弘貞。與義隆俱死。時七歲。義隆記云。義隆子為賊所捕。遇害。皆不同。按安西軍策。僧異雪奉三位中將及大內新介。遁山中。為賊所搜索。小幡四郎及新介而自殺。與吉田物語合。今從之。既而相良武任亦為隆房兵所殺。



大藏大輔正賴  
津和野屬石見

大郎左衛門高  
弘

二十一年隆房既滅大内氏盡并其地更名晴賢  
削髮號全薑恐四隣來討歸罪杉重矩殺之迎大  
友義鎮弟義長立為主二十三年吉見正賴起兵  
津和野討晴賢請援於毛利元就元就將兵屯神  
領為應援弘治元年晴賢攻元就元就邀擊於嚴  
嶋大破之晴賢自殺子長房留守若山杉隆重起  
兵襲若山長房走死隆重重矩子也大内氏亡後  
五年而晴賢伏誅又三年而義長為元就所攻殺  
周防長門盡屬毛利氏初義興弟高弘與義隆有隙

奔京師更名輝弘遂如出雲依尼子氏後奔豐後  
依大友氏永祿十二年毛利氏將吉川元春小早  
川隆景入筑前大友義鎮拒之兵結不解義鎮使  
輝弘將兵三千襲周防十月輝弘自鶴崎航抵長  
門長驅取山口兵來屬者三千人勢稍振松木一  
佐說曰先下鴻峰城據之出兵秋穗白松扼諸路  
輝弘不從據山口修守備既而元春隆景旋軍至  
長門士卒稍稍叛去輝弘大懼欲還豐後圖再舉  
抵秋穗索船不得敵兵來逼松木一佐甲斐左馬



助拒戰死。輝弘走據茶磨山。兵皆散。乃自殺。波多

野石見城。井小三郎死之。

吉田物語

岡田僑曰。大內義弘從足利義滿伐山名氏清。為  
先鋒。立殊功。義滿加之封土。禮遇殊渥。諸將無出  
其右。義弘何所喻於心。而倍叛。蹈山名氏覆轍也。  
蓋正平以來。武臣大率負功驕傲。叛服無定。而足  
利氏一切行姑息之政。紀律蕩然。積習之久。遂以  
倍叛為常耳。如義興奉足利義植以定京師。蓋似  
有鑒於義弘者矣。夫犯君父者。天下所不與其勢。

雖强大。難以成功。故善用兵者。以義聲為先。必有  
所擁戴。以號令天下。則雖其心未盡出於公。然名  
順義正。天下之耳目屬焉。初應仁之亂。義弘父政  
弘屬山名持豐。拒細川勝元。既而持豐勝元相尋  
沒。勝元子政元遂專權。廢義植。而三好長輝又輔  
政元子澄元。以亂京師。則細川三好。不獨大內氏  
仇。亦天下之所同惡也。義興奉其君。討天下之所  
同惡。山陽山陰。鎮西四國響應。皆受其指揮。長驅  
東上。莫之能禦。遂植幟京師。復義植。身任管領。以



日本外史補 卷之三  
制近畿。是無他故。以義聲爲先。其勢固足以鼓舞一時也。所惜者。義興失形勢之利。離根本之地。遠寓客土。糧食不繼。敵窺其虛。是以不久而復失京師。然後之豪傑起方隅者。人人無不欲爲義興之所爲。義興有大志。知人善任。臨終遺命。與毛利氏和。以拒尼子氏。亦可以見其智略有過於人矣。義隆文弱。不能負荷先業。得陶興房扶持。僅能守國。興房死後。政事廢弛。姦臣專權。終取篡弒之禍。可勝嘆哉。

日本外史補卷之二



日本外史補卷之三

今川氏

今川義元之事。無可稱道。而余所以紀之者。以累世故家。跨有數國。人民之多。兵馬之富。比肩於當時群雄。常欲繼父志。角逐中原。其意蓋非安一方者。而我東照公實由是而興矣。昔劉表據荊州。帶甲數萬。劉備窮而歸焉。及曹操擊表。會表死。其子琮庸懦。不與備同謀。而降于操。他日備據其地。以開鼎峙之業。夫義元矜伐致敗。雖與表之偏安。



觀望時變不同。然氏真闇弱失國。與琮無異。而今川氏故地竟歸。東照公。躬建大業。以致今日之隆治。雖非備所敢比也。其時勢畧有相類者焉。蓋自氏親定遠江。勢威頗振。義元繼之。取參河。兼并三國。今川氏之盛極於此。而其衰亦兆於此矣。及至氏真。瑣尾流離。僅延殘喘耳。故今詳義元之事。歷叙其終始。使讀者於治亂興敗之間有所鑒焉。今川氏出於源義家孫義康。義康四世之孫。曰長氏。領參河吉良莊。後長氏讓政務長子滿氏。攜次

五郎左衛門長氏

四郎國氏

子國氏。老子幡豆郡今川村。因氏焉。世事北條氏。而滿氏之後。為吉良氏。弘安中。國氏以功賜遠江引間莊。長氏因授傳家名刀龍王於國氏。國氏生基氏。今川系圖。基氏子範國。稱五郎。嘉曆中。削髮號心省。及北條氏亡。屬足利尊氏。為遠江守護。延元元年秋。尊氏入京師。軍東寺。官軍絕其糧道。心省與官軍戰于阿彌陀峰。破之。尋與仁木義長拒官軍於西宮。二年春。與桃井直常等。擊鎮守府大將軍源顯家於青野原。直常敗。心省受進擊。手斬數人。遂

藏人太郎基氏



五郎範氏  
三郎貞世號了  
俊

大敗之。尊氏賞其功。為駿河守護。與采邑數十。正  
平中。從高師直。敗楠正行於四條畷。從尊氏擊其  
弟直義於薩埵山。弘和三年。卒。年九十。心省五子。  
範氏貞世氏。兼仲秋直世。範氏為中務大輔。上總  
介。從足利義詮。犯吉野。貞世為左京亮。伊豫守。建  
德二年。菊池武政奉懷良親王。起兵肥後。足利義  
滿以貞世為九州探題。有功。初心省欲以駿河與  
貞世。貞世以兄範氏故。固讓不受。及範氏卒。貞世  
復讓於範氏子氏家。心省甚嘉之。臨終遺言。令貞

世幹掌門族事。氏家亦深感貞世之志。臨卒遺命。  
以封與貞世子貞臣。貞臣不聽。氏家無子。乃召其  
弟為僧。居建長寺者。使還俗。更名泰範。立為嗣。足  
利義滿為分駿河。給半于貞世。大日本史泰範及疑貞  
世。常欲并其封。會大內義弘作亂。泰範因屢譖貞  
世。義滿疑之。召貞世。貞世入京師。義滿思其功。待  
之如初。踰年卒。義滿乃令養子仲秋襲其封。如細  
川賴元故事。及仲秋卒。泰範遂并其封。難太元中  
五年九月。泰範卒。為上總介。民部大輔。子範政嗣。



左兵衛督持氏

氏憲號禪秀

世治于府中。應永二十三年。關東管領足利持氏。為前宰上杉氏憲所攻。來奔。範政使其將瀨名陸奧守等。以三百人迎之。馳使告急於京師。將軍足利義持下教關東將士討氏憲。於是鎌倉宰上杉憲基起兵越後。江戶氏豐嶋氏。二階堂氏。竝起兵武藏。十二月。擊氏憲兵於入間川。破之。二十四年正月。氏憲擁持氏叔父滿隆來戰于武藏。豐嶋二階堂等兵不利。範政使其將三浦次郎左衛門石川相摸赴援。踰箱根。關東將士皆背氏憲。附持氏。

俱進攻鎌倉。滿隆氏憲自殺。持氏乃歸鎌倉。義持賜書褒獎。範政常陸人小栗滿重。下野人宇都宮持綱。倍持氏。範政遣兵擊滿重。持綱獲之。餘黨悉平。正長元年正月。足利義持薨。無嗣。持氏冀立。及義持弟義教嗣立。持氏怏怏。數出怨言。有異心。範政聞之。遺書持氏。極諫。不聽。由是與持氏有隙。今川永亨四年。將軍足利義教游駿河。範政迎館之。京都將軍譜。按系圖。係永亨元年誤。五年五月。範政卒。年五十。為上總介民部大輔。子範忠嗣。系圖。按今川記。範政卒。係嘉吉二年。恐誤。



持房氏憲子  
早川尻成田屬  
相模

十年足利持氏宰上杉憲實數諫持氏持氏怒  
擊憲實憲實訴之義教義教徵兵東海東山諸  
道救憲實討持氏範忠應徵遣兵踰足柄山從上  
杉持房與持氏兵戰早川尻成田破之遂攻鎌倉  
有功嘉吉元年四月範忠卒年三十三為上總介  
治部大輔子義忠嗣系圖應仁之役義忠將千餘人  
赴京師山名持豐招之不應屬管領細川勝元護  
幕府勝元大喜居久之勝元謂義忠曰東海一道  
動輒附斯波氏欲舉兵向京師公亟還鎮海道義

忠乃就國圖斯波氏斯波氏世據尾張數犯遠

江參河今川記文明十一年遠江人橫地某勝間

田某叛降斯波氏義忠自將擊破之斬橫地勝間

田引兵還至鹽見坂餘黨復起遮路義忠中流矢

重創卒年四十四為上總介系圖按今川記鹽見

而義忠卒年二十八誤也外史義忠卒係文明八年未詳其所據子氏親幼其族

瀨名某其老朝比奈某等各植黨相鬪氏親母抱

氏親走山西匿小川法榮家上杉政憲上杉定正

奉足利政知令發兵定駿河軍狐崎八幡山使人



責今川氏將士曰。汝等新喪主。不戮力輔孺子。恣為私鬪。何故。苟背孺子者。皆我仇也。我將問其罪。將士不答。有伊勢長氏者。氏親舅也。說政憲定正曰。國內將士無叛者。特以主幼國疑。故植黨耳。臣願以二公之意諭將士。不聽而後討之。政憲等從之。長氏廼會將士諭之。將士皆聽命誓焉。於是迎氏親母子歸入府第。政憲定正引兵去。長氏故為足利義視近士。應仁中。從義視奔伊勢。遂自伊勢來依義忠。至是將士皆以長氏為功。給下方

莊守高國寺城。是為北條早雲。氏親既復。召法榮

子為近昵。今川記。按糸圖。義忠卒。氏親猶幼。其族

氏親母子。避難於山西。老臣朝比奈某菴原某等。素歸心氏親。與範滿鬪。伊勢長氏居間講和。範滿

攝國事。徙府第。氏親加首服於小川法榮家。無幾。範滿見殺。氏親乃歸府第。與本書不合。仍俟後考。

延德三年。氏親聞足利政知為其子茶茶所弒。使

伊勢長氏將兵往討茶茶。誅之。遂取伊豆。因以與

長氏。今川記。永正三年八月。氏親率一萬人略參河。

使長氏攻岩津城。德川棹舟公來救。戰于矢矯河。

我兵不利。退軍吉田。使牧野傳三守吉田而還。武德



備前守貞綱

治部大輔義達

大成記氏親為人豪邁蚤有意定京畿欲略遠江尾張以開西上之路是時大河內貞綱糾合信濃參河兵據遠江引間城以附斯波氏十年春氏親率軍入遠江屯笠井斯波義達援貞綱據深嶽城氏親使前軍將朝比奈泰以夜襲深嶽拔之義達脫走遂攻引間貞綱棄城遁十一年甲斐武田信昌兄弟生隙相攻信昌來請援氏親遣兵赴援大河內貞綱窺間與斯波義達復據引間縱火所在氏親率六千騎赴遠江六月造浮橋渡天龍河義達

貞綱迎拒氏親擊敗之義達貞綱退保引間我兵隨而圍城絕水道八月城陷貞綱戰死斬首千餘級義達出降氏親宥死囚之普濟寺遠江平重編應仁

記按糸圖救武田信昌滅大河內貞綱並係永正十二年今從本書及總見記貞綱一作欠綱大

永六年氏親卒年五十六為修理大夫子氏輝嗣天文五年氏輝卒無子遺言召其同母弟為僧居善德寺者蓄髮嗣立更名義元叙從四位下任治部大輔義元為人有膽略欲續父氏親之志系先

是德川善德公為其下所弑善德公棹舟公孫也



子瑞雲公嗣善德公叔父信定圖篡立瑞雲公走  
 伊勢是歲瑞雲公自伊勢至遠江其老安倍定吉  
 來請援十月義元遣兵助瑞雲公入牟呂遂歸岡  
 崎於是德川氏以參河屬我大成七年武田信虎  
 為其子晴信所逐來寓信虎義元妻父也甲陽十  
 六年故滿氏之裔吉良義鄉反降織田信秀義元  
 攻殺義鄉系信秀斯波氏臣也及斯波氏衰據尾  
 張數侵參河平為我勅敵參河上和田守將松平  
 三左衛門素屬織田氏是歲為刺客所殺信秀使

大隅守信廣

備中守泰能  
五郎兵衛真幸  
孫三郎信光

庶子信廣代守益築六砦以逼岡崎岡崎危急  
 瑞雲公遣使來乞救質其嗣子竹千代是為  
 東照公路為織田氏所奪瑞雲公來告曰不敢以  
 賤息故背貴國也義元義而許其請十七年三月  
 義元使朝比奈泰能岡部真幸將兵會岡崎兵擊  
 信秀於小豆坂破之信秀留弟信光守上和田信  
 廣守安祥而去武德編年集成按烈祖成績義元  
今臨濟寺僧雪齋將兵數千援岡  
崎朝比奈泰能岡部長十八年三月瑞雲公卒時  
教為副與本書不合東照公在尾張眾疑懼義元聞計急使朝比



大原號雪齋

奈泰能岡部真幸率三百騎往守岡崎由是岡崎將士屬我十一月義元使叔父僧大原及朝比奈泰能將駿河遠江參河兵攻織田信廣於安祥破之取其郭信廣墮嬰內城是時織田信秀已死子信長至鳴海不敢進大原使人謂信長請以信廣易竹千代信長許之於是信廣得出城而東照公還岡崎尋質于我事詳于外史義元築館于官崎真公自是參河為我屬國其將士交來執

役編年集成按外史織田氏記信秀以天文二十年死而德川氏記則死于天文十八年二記相

語今以本書及大成記信長譜諸書考之十八年為是二十二年二月義元

略參河先是吉良義安管沼定繼叛通織田氏義元攻義安於東條城擒之會北條氏康窺虛來攻氏康早雲孫也據相摸威服隣國義元之入參河慮氏康來侵請援於武田晴信至是晴信入援與氏康前軍相拒義元尋還軍三月氏康子氏政陣刈屋川我兵拒之殺傷甚眾既而議和三家合好義元以女嫁晴信子義信為嗣子氏真娶氏康女二十三年正月義元入參河下鳴原遂入尾張欲



下野守信元

攻小川。築砦于村木。使松平長勝守之。下寺本城。小川守將水野信元乞救於織田信長。我軍不利。村木陷。弘治元年。義元出兵尾張。攻蟹江。二年八月。參河人與平貞勝以作手城叛。屬織田氏。築砦于兩山。使其族與平貞良守之。義元遣兵攻兩山。貞勝赴救。我兵疾攻下之。永祿元年二月。義元使東照公略西參河。攻寺部廣瀨。舉母梅坪伊保諸城。復其舊地。有功。義元賞之以賀茂郡山。中三百貫。德川瑞雲公之卒也。義元悉收參河將

左馬助弘定

士食邑。約及嗣子長還之。是歲。東照公年十七。義元未之還。參河將士竊憤怨。當是時。義元國富兵衆。武田北條皆合好。獨織田氏屢擾西邊。二年。義元使岡部真幸守鳴海。葛山備中。三浦義就守笠寺。鷓殿長持守大高。沓懸。東照公守科野。將大舉攻織田氏。信長聞之。修中嶋善照寺。鷲津丸根諸城。守之。來攻大高城。城中食竭告急。義元使公赴援納糧。先是。織田氏驍將山口弘定。以鳴海中村來降。義元築砦于笠寺。使其將戶部



大學助盛重

新左衛門守之用弘定計取大高沓懸多招降尾張將士嬖臣淺田小八郎譖弘定有反心義元怒殺弘定又信織田氏反間殺新左衛門由是諸將皆危懼三年五月義元以嗣子氏真為留守自將駿河遠江參河兵攻尾張十七日至池鯉鮒東照公自岡崎來會義元命為先鋒編年集成十九日黎明公拔丸根獲守將佐久間盛重是日朝比奈泰能攻鷲津拔之斬守將飯尾定宗等義元使公守大高距前軍十町餘軍桶峽義元既

拔兩城意頗驕織田信長在清須聞敗自將赴援至中嶋其先鋒佐佐隼人千秋新四郎來戰我前軍逆擊破之斬隼人等來獻首級義元滋驕張宴山間獯士卒不設備信長諜知之間道來襲直突牙營時雷雨晦暝事起不意營中大擾義元揭幄叱之信長士服部小平太進刺義元義元拔刀斫其膝身被創格鬪死我兵終大潰喪軍二千五百人烈祖成績按編年集成桶峽之役義元為信長所襲以三百騎走敵兵追躡義元返戰僅餘五十騎終戰死總見記亦然與本書及桶峽間合戰記不合桶峽間合戰記曰永祿三年五月十



九日黎明東照公拔九根守大高義元前軍將朝比奈泰能等拔鷺津進至鳴海時信長合丹家中嶋兵赴善照寺先鋒佐佐人千秋新四郎望之不待信長令襲泰能陣敗死信長嚴禁輕進與泰能等相持是日義元出沓懸至田樂峽得丸根鷺津及鳴海捷報大喜意頗驕張宴閱首級松井宗信等為先鋒三浦左馬助由比美作守關口越中守為後拒距牙營各十町餘信長聞之留其將柴田勝家池田信輝等自將兵三千間道赴桶峽時烈風暴雨信長先象而進直斫牙營事起不意士卒擾亂義元踞林揭幕叱之信長士桑原甚內進逼義元親兵殺之服部小平太以槍鏃義元義元拔刀斫槍幹及其膝毛利新助進刺義元獲其首松井三浦等聞牙營戰聲各赴援聞義元已死延皆戰死是役今川氏兵死者東照公棄大高二千百人與本書及外史略同

還岡崎諸城皆解散獨鳴海守將岡部真幸堅守

信長使人說真幸降真幸曰苟返主公喪則致城信長義之送義元首真幸致城退將入參河謂其眾曰吾無功而退甚慙焉今敵新勝而驕欲乘其不備拔一城以藉口乃陰使人覘刈屋城城將水野信元在小川其弟信近畱守真幸急攻刈屋斬信近既而信元來救真幸迺收兵歸府中編年集成義元既卒氏真嗣叙從四位下任刑部大輔兼上總介系圖氏真性庸闇信讒間諸將多叛降岡崎四年氏真聞東照公與織田氏和遣使讓之德川氏使



者來謝。氏真不復問。七月。參河兵拔鳥屋根東條。西尾諸城。掛川城主與平貞能及西鄉正勝。菅沼定盈等皆叛附參河。氏真怒。與德川氏絕。德川氏與織田氏連和。數來攻。五年三月。參河兵攻西郡城。守將鵜殿長持敗走。其二子爲虜。先是。東照公夫人關口氏及世子信康質于我。至是。氏真欲殺之。會德川氏將石川數正來。因我將關口親永。請以長持二子易質。親永。關口氏父也。氏真素重親永。長持。且憫其二子也。許之。乃送關口氏及世

井伊谷屬遠江

子於參河。而長持二子還駿河。旣而氏真悔之。怒殺親永。參河將士質在吉田城。氏真持以誘降。無應者。氏真命串殺之。是月。井伊谷城主井伊直親以冤死。初。直親臣小野某怨直親。潛來府中。讒之。氏真曰。直親與織田德川通謀。氏真怒。欲誅之。新野左馬助諫曰。直親不應有他。恐有讒構。臣請驗其實。乃使人以情問直親。直親大驚曰。先臣直盛死桶峽之役。則織田氏不獨先君仇也。今織田德川合好。臣何苦事不共戴天之仇乎。左馬助具以



見付在遠江

肥前守鎮實

嵩山城在遠江

聞事遂寢。直親將如府中分疏其事。途經掛川。掛川城將朝比奈泰能不知直親。冤既雪。出兵擊殺直親。氏真沒其采邑。六月。堀越氏延以見付叛。今小原鎮實擊之。氏延自殺。七月。奧山貞澄以嵩山城叛附參河。氏真怒遣兵攻拔其城。使朝比奈泰長入參河。襲西鄉正勝於五本松。斬之。九月。參河將酒井忠次。松平親俊攻佐脇。守將板倉重定與牛窪二連水合兵。邀拒小坂井東。敗之。東照公來援。我兵不利。重定死之。佐脇八幡皆陷。六年三

月。東照公築砦于小坂井。及牛窪傍。小原鎮實攻之不克。十月。參河針崎野寺土呂一向僧徒。叛德川氏。國內大擾。織田信長方與美濃齋藤氏構兵。不能赴援。兵連踰年不解。而氏真終無窺隙之意。七年四月。幡豆牛窪諸城。叛附參河。東照公欲攻吉田及田原城。築砦于船形山。絕我援路。五月。氏真將兵二萬救吉田。屯佐脇。及八幡。分兵攻一宮寨。使武田信虎將八千。備岡崎援路。公將二千人。擊破信虎。過八幡。佐脇間。至本能原。



兵銳甚。飯尾致實陰通于敵。稱疾還其邑。引間行。縱火荒井白須賀驛舍。流言信虎亦通參河。氏真驚。留兵諸城。歸府中。六月。參河將酒井忠次來攻小原。鎮實於吉田。鎮實棄城走。保宇都山。編年鎮實近江人。來仕義元。其子三浦義鎮。以面首為氏真所寵。好蹋歌。勸氏真觀之。氏真大喜。盛行之。國中靡然成風。成績。本書鎮實作資良。義鎮作右衛門。今從編年集成。小倉資久亦得寵於氏真。桶峽之役。舊臣朝比奈葛山等不能死難。逃歸者二十餘人。皆羞杜門不出。由是

內藏助資久

新進用事。政權盡歸鎮實父子。及資久。舊臣嫉之。懷攜貳。八年冬。氏真誅飯尾致實。其臣江馬安藝。江馬加賀。以引間屬岡崎。武田信虎陰與氏真老臣謀奪駿河。事露。氏真大怒。逐信虎。信虎奔京師。使人告其子晴信。取駿河。晴信謂岡崎日盛而今川氏日衰。駿遠必為岡崎之有。坐生大敵於肘腋。非計也。乃使人來告。欲與俱攻岡崎。氏真不懌曰。彼非援我者。是欺我也。我豈墮其術中耶。晴信聞之。乃與德川氏連和圖我。成績十年十一月。晴信殺



其子義信。義信妻大歸。終與武田氏絕。十一年二月。久野二股高敷西塚諸城皆叛。附參河。三月。參河兵入遠江。拔堀川。攻宇都山。小原鎮實逃走。保花澤城。氏真疆土日縮。財用不足。三浦義鎮爲急賦斂。摘諸將小過。沒收食邑。以給其用。諸將益憤。惋叛者相繼。十二月。武田晴信來侵。屯空總。氏真將兵一萬五千。軍清見寺。分兵使庵原安房據薩埴山。朝比奈政貞。葛山備中等十八將拒八幡平。晴信向八幡平。政貞等陰通晴信。不戰而走。諸軍

花澤城在駿河

皆潰。安房奔薩埴山。退與氏真合。時麾下兵逃亡。餘八十騎。氏真走入府中。武田氏將山縣昌景。馬場信房。來逼臨濟寺。氏真惶懼。棄府中走遠江。據掛川城。城將朝比奈泰能與三浦義鎮有隙。義鎮不欲從入掛川。路亡去。從其父鎮實于花澤城。武田氏兵入府中。剽掠縱火。二十二日。參河兵來逼掛川。我兵出拒不利。敵築砦于桑田村。曾我金丸諸山。編年集成是月。氏真攻引間守將江馬安藝。江馬加賀以城降。旣而加賀叛降岡崎。安藝疑其賣已。



殺加賀加賀從士小野田某殺安藝以降岡崎績成

按本書分註曰德川記德川歷代年譜附尾並云永祿十年飯尾豐前見殺其妻守引間城東照

公遣使諭之曰若肯致城賜爾舊邑不使家士流離妻對曰妾雖婦女致城乞降非素志也十二月

二十四日東照公遣兵攻引間不利翌日破外郭城兵死者二百餘人我兵戰死三百餘人妻

擐甲亂髮提眉尖刀率侍女十七人開門而出縱橫突戰我兵披靡妻與侍女皆戰死公惜之其

事頗偉然年譜正文創業記家忠日記松榮紀事等皆不載豐前被殺實在八年而江馬安藝江馬

加賀自八年至是歲守引間蓋豐十二年正月參前妻在城中不從安藝加賀也

河兵復來圍掛川我兵拒之夜襲金丸山參河兵來救我兵不利氏真使人說金丸山城將久能某

綱次郎左衛門正

久能佯約內應氏真夜遣精兵赴金丸山遇伏

而敗三月參河兵復來攻朝比奈泰能出拒不利

敵兵競進我舟師出其後敵乃退入引間是月氣

賀堀川諸寨皆陷泰能說氏真曰疆內盡叛孤城

無救援是坐待亡也臣明旦出城決戰突敵中軍

不利即死之請君乘間奔相摸徐為後圖岡部正

綱曰非計也為主公盡忠何在一死不如與德川

氏和依北條氏以為計議未決會德川氏使者來

說曰我與公父祖世結好敢忘之惟公誤用讒臣



是以至於此。今若以遠江被與。則我與北條氏謀。復公於駿河。氏真狐疑。小倉資久固勸之。乃送誓書。和成。五月。氏真致掛川城。自懸塚航赴相模。北條氏康使其子氏規來迎。東照公為送糧食。於是遠江悉屬。公編年初。義元書誠。氏真曰。汝年既長。未棄幼志。鬪雞走狗。文武兩廢。今而弗悛。其喪邦覆宗必矣。言甚剴切。至是果驗。績成是月。東照公攻武田氏將山縣昌景於府中。走之。遣使謂北條氏康。與俱復。氏真。氏真聞昌景既去府中。使小倉

濱松即引間也  
先是東照公  
政引間曰濱松

資久。森川日向。修府城。命岡部正綱守之。自是德川氏北條氏與武田氏戰爭不絕。十一月。北條氏康與武田晴信戰。不利。晴信遂攻府中。城兵不能支。正綱出降。元龜元年正月。花澤城陷。鎮實義鎮走高天神。為城將小笠原長忠所殺。氏真之依北條氏。氏康憫之。築館于早川。寘之。及氏康死。子氏政。遇氏真無狀。與武田氏和。圖除氏真。氏真懼。走濱松。依東照公。公思舊誼。厚遇之。其得駿河也。請信長以駿河半封氏真。信長不聽。編年天正



三年三月氏真去寓京師謁信長獻其遺寶信長聞

氏真善蹴鞠招廷臣與氏真對戲聞者醜之是歲

氏真削髮號宗閤成績削髮號宗閤據編年集成慶長中台德

公賜宗閤宅地徙江戸品川歷十餘年而卒生三

子範以高久澄存範以先父而死生子範英台

德公召範英賜祿五百石世襲今川氏及大猷

公時加賜五百石高久以慶長三年謁台德公

賜祿千石更姓品川以別宗家兩家子孫世事幕

府系圖按編年集成慶長中東照公老于駿府氏真攜二子往謁公請仕公語之台德

左馬介範以新六郎高久

公錄二子列家臣以其名家使宗于世襲今川氏庶子稱品川氏別之慶長十九年氏真以壽終于駿府與本書不合本書氏真長子範以慶長十一年冬死于京師而東照公老于駿府即其年春也中間不見氏真父子如駿府事且本書載氏真徙江戸品川卒葬牛込萬昌院則終于駿府之事可疑故不取

岡田僑曰今川義元因父祖遺業并駿遠參食足

兵衆與武田北條二氏連和舉三國兵西向以伐

尾張當是時義元目中無織田氏而桶峽之敗身

首異處將士瓦解強隣乘釁嚮所修好結婚者盡

變爲飲血之讎終致失其國者豈非以忸勝恃衆



而然耶。自古忸勝者必敗。恃衆者必危。雖豪傑雄武之主。不能免也。余嘗察義元所施行。其背義乖人心者多矣。初義元僭役參河將士。盡收其食邑。既而負約不之還。而參河將士之心離矣。殺山口戶部二將。而部下之兵亦離矣。夫人主之所以能使群臣爲我用。蹈湯火而不避者。以有服其心也。義元徒恃兵馬之富。不知衆心既已離。猶誰與爲戰乎。則其敗不待桶峽之役而後知也。上杉謙信之人小田原也。將十萬兵。勢如雷霆。宜一鼓舉北

條氏也。而一辱成田長泰。則八州之士皆叛。以謙信雄武辱一士。猶且如此。而況於辱一國之衆。殺熊羆之臣乎。桶峽之役。率其離心之衆。不幸而又有功。以驕其心。是天奪之魄也。古創業之君。於平居無事之時。與士卒同甘苦。結之以恩信。而謹刑殺。使其不忍負我。故臨事赴急。如手足之掇腹心。明太祖嘗語將士曰。張士誠恃財富。陳友諒恃兵強。朕獨無所恃。惟不嗜殺人。嗚呼。明祖之所謂不嗜殺人。乃我東照公之所以興也。而士誠友諒



之恃富強乃義元之所以自敗歟。

日本外史補卷之三

其後八代文士皆效其編

其後八代文士皆效其編

其後八代文士皆效其編

其後八代文士皆效其編

其後八代文士皆效其編

其後八代文士皆效其編

其後八代文士皆效其編

其後八代文士皆效其編



早稲田大学図書館

011688999571